

35.4.7.18

5

(1)

186

QUOMODO ORDINANDA SINT

VENETIIS

OFFICIA SANCTORUM

VETERIS TESTAMENTI.

Materna sollicitudine Sancta Dei Ecclesia æternæ Filiorum suorum saluti prospiciens, quæcumque ad animarum utilitatem censuit esse opportuna, ea omnia diligenti studio ordinavit. Quum autem optime nosset, spirituales etiam hominum actiones ex sensuum perceptione, ut plurimum, pendere, ideo multiplici solemnitatum genere, vario rituum Ordine, & diversa Officiorum dispositione Fidelium mentes ad devotionis affectum excitare, & corda ad Divini obsequii fervorem accendere nullo tempore destitit. Cultum quoque Sanctorum in diversas quodammodo classes dividi voluit, ut unusquisque eorum pro respectiva sui status conditione variatas precum, laudum, & colorum assignationes obtineret. Quia vero ii, qui in universali Ecclesia Officio & Missa coluntur Sancti, sive sub gratia novi Testamenti, nati & mortui sint, sive sub Testamento veteri orti sub novo decesserint, ut sunt Sanctus

A

Ste-

Stephanus Protomartyr Sancti Apostoli, alique, sive denique sub finem veteris Testamenti ortum, & dormitionem acceperint, iique sunt Sancti Innocentes Martyres, Sancti Joachim & Anna Deiparæ Parentes, Sanctus Joseph ejusdem Deiparæ Sponsus & Sanctus Joannes Baptista Salvatoris Præcursor, ii omnes (si unicam excipias Sanctorum Martyrum Machabæorum commemorationem) ad novum Testamentum pertinent, ideo in Liturgiæ, & Sacrorum Officiorum ordinatione (seu ut vulgo vocant, in Missali & Breviario) solæ Apostolorum, Martyrum, Confessorum, Virginum, & non Virginum classes exponuntur, eadem scilicet de causa, quia de ipsis nullum universaliter celebratur Officium.

Nec tamen à Divini Officii honore excluduntur Sancti Veteris Testamenti, siquidem cum plurimi eorum in Romano Martyrologio enuntientur, & aliqui etiam ex ipsis in Litanis & precibus pro agonizantibus invocentur, possunt æque ac alii ex novo Testamento Sancti solemniter recitatione Officii, & celebratione Missæ coli, quinimmo aliquando id honoris necessario, & ex jure exigunt; si, exempli gratia, Titulares sint Ecclesiarum, seu si aliqua insignis eorum Reliquia alicubi asserveatur. His positis, si bene paritas attendatur, æquum videri potest, ut Sancti
ex

ex veteri Testamento in locis, ubi coluntur, aliqua peculiari Officii parte, quantum fieri licet, decorentur; Lectiones saltem de ipsis tractantes, si in Breviario Romano appositæ adsint, assumendo, cum suis Responsoriis si de ipsis pariter agant; Hoc ordinandi Officii genus, quod ab aliquibus etiam latius extenditur, à multis optima ratione laudatur, quia congruum esse dicunt, & utile, ut Sancti de quibus Officium agitur, approbatas Lectiones habeant, in quibus aliquid ex eorum gestis legatur, & Fidelibus ad ædificationem proponatur. Hac profecto de causa Propheticam dignitatem attendens sacer Carmelitarum tam antiquæ observantiæ, quam excalceatorum Ordo, qui Sanctos Eliam, & Eliseum sui instituti parentes habere gloriantur, Officia ipsorum ex Apostolica concessione cum Lectionibus, Hymnis, Capitulis, Responsoriis & Antiphonis propriis recitat, nihilque ex locis Breviarii, quæ de Comuni dicuntur, assumit. Quia itaque in nulla Christiani Orbis Civitate tantæ adsunt Sanctorum veteris Testamenti Ecclesiæ, quantæ in urbe Venetiarum erectæ visuntur, ea propter honorem debitum ipsis assignare cupiens is, qui novissime ad disponendum celebrandæ Missæ, & recitandi Officii Directorium, (quod Calendarium vocant) ex Patriarchali destinatione præest. (explorato ta-

men prius, acceptoque virorum in rebus Liturgicis peritorum consilio, qui omnes rem congruam, probatam, permissamque esse judicarunt) Officia Sanctorum veteris Testamenti, de quibus Venetiis propter antiquissimam consuetudinem, Apostolicæ etiam Sedis autoritate confirmatam, sub ritu semiduplici (quia Titulares sunt Ecclesiarum) ab universo Clero Festum celebratur, ita nunc ordinavit, quemadmodum probatissimi in re Liturgica scriptores ex validis rationibus, & congruentiis disponenda esse judicaverunt. Authorum autem de hac re scribentium asserta nunc breviter, quantum fas est, exponantur.

Bartholomæus Gavantus ex Clericorum Regularium Sancti Pauli, quos Barnabitas vocant, familia, Sacræ Rituum Congregationis Consultor, & ob summam in Liturgicis rebus, quas eximie illustravit, peritiam in Bullario Benedicti Papæ XIV. Tom. IV. cost. XI. parag. 26. pag. 148. clara laude ornatus de Sanctis Veteris Testamenti, & de ipsorum ordinando Officio agens, ita scribit in libro, cui titulus: Thesaurus Sacrorum Rituum Tom. II. sect. V. cap. XII. num. 22. „ Interrogatus „ quandoque fui, quænam lectiones legi „ possunt in festis S. Abrahæ, & S. „ Job, quæ alicubi celebrantur. An le- „ ges primas Lectiones haustas ex Ge- „ nesi, & ex Historia Job, quæ vide- „ li-

„ licet habentur in Dominica Quin-
 „ quagesimæ , & prima Dominica Se-
 „ ptembris : in secundo Nocturno , quæ
 „ ibidem habentur in eorum commen-
 „ dationem , & laudem , in tertio No-
 „ cturno Evangelium : Homo quidam
 „ nobilis, cum Homilia S. Ambrosii in
 „ nostro Octavario Romano, seu in Festo
 „ S. Ludovici Regis; vel in primo
 „ Nocturno: Lektionen de Scriptura oc-
 „ currente, in secundo Nocturno; quæ
 „ habentur in secundo Nocturno Do-
 „ minicæ Quinquagesimæ, & Dominicæ
 „ primæ Septembris, sicuti pro Histo-
 „ ria Sanctæ Agnetis legitur Sermo S.
 „ Ambrosii in laudem ejusdem. In ter-
 „ tio ut supra Posterior hic modus mihi
 „ magis placet conformior aliis Sancto-
 „ rum festis. Quæ vero dicimus de
 „ Sanctis Abraham & Job, valent etiam
 „ in Festis Sanctorum Isaïæ, Jeremiæ,
 „ Danielis, & similium, ubi eorum
 „ Festa celebrantur, propriis è Brevia-
 „ rio adhibitis eorum Lektionibus.

Observationes autem, & additiones
 ad Gavanti commentarium faciens Ca-
 jetanus Maria Merati Clericus Regula-
 ris, & Sacræ Rituum Congregationis
 Consultor nihil sententiæ Gavanti ad-
 dit, vel detrahit, ostendens hoc suo si-
 lentio se ipsius opinioni assentire.

Gavantus itaque in ordinandis San-
 ctorum veteris Testamenti Officiis nos
 docet, Lektionen secundi, & tertii No-

Æturni summendas esse ex Breviario, ubi eorum gesta & laudes enuntiantur, exceptis scilicet Lectionibus primi Nocturni, quas de Scriptura occurrente legends affert, huncque modum sibi magis placere testatur, quia conformiorem dicit aliis Sanctorum Festis. Si tamen attentius res consideretur, primum ordinandi Officii modum conformiorem esse aliis Sanctorum Festis agnoscimus; Breviarium enim Romanum Lectiones de Scriptura occurrente attribuit iis Sanctis, qui ritu duplici minori, vel semiduplici decorati, nullam ex Sacris Scripturis lectionem haurire possunt, quæ ipsos nominet, vel ad eos stricte pertineat. Sed si aliqua Lectio ex Scriptura inveniri possit ad eos stricte, vel etiam minus stricte pertinens, ea utitur Breviarium Romanum, ut videre est in Festo Inventionis Sancti Stephani Protomartyris, & in Festo Impressionis Sacrorum Stigmatum in corpore Sancti Francisci, quamvis ea sint Festa secundaria, & sub ritu semiduplici ordinata. Quin etiam levioribus de causis lectiones proprias aptat aliis Sanctis Breviarium Romanum, omissis Lectionibus de Scriptura occurrente, ut Legitur in Festis multorum ex Sanctis Ecclesiæ Doctoribus, itemque in Festis S. Agnetis, S. Agathæ, SS. Joannis & Pauli, S. Elisabeth Regina Portugalliæ, S. Mariæ Magdalenzæ, S. Raymundi.

Non-

Nonnati, S. Francisci, S. Martini, S. Cecilie, S. Clementis, S. Lucie, qui omnes Sancti Officio celebrantur vel duplici minori, vel semiduplici.

Gavanto adhæret ex integro Bernardus Bissius Januensis Monachus Sancti Benedicti Congregationis Cassinensis in libro, qui inscribitur: Hierurgia, sive Rei divinæ Peractio Januæ edito anno 1686. Tom. I. pag. 582. §. XIII. ubi ait: „Hic est locus quærendi, quænam „lectiones dicendæ sint in officio ex. „g. de S. Abraham de S. Job &c. In „quo Gavantus sect. 5. cap. 12. num. „21. laudat, quod in primo Nocturno „legantur Lectiones de scriptura oc- „currente, pro secundo summantur ex „secundo Nocturno Dominicæ Quin- „quagesimæ, si fiat de S. Abramo, si „verò fiat de S. Job summantur ex „secundo Nocturno Dominicæ primæ „Septembris, quæ his festis valde qua- „drant, pro tertio autem Nocturno „dicatur Homilia de Evangelio: Homo „quidam nobilis &c. ut in Festo S. „Ludovici, & ita proportionaliter de „aliis discurrendum.

Eandem profus sententiam tenet Joannes Baptista Halden S. I. Germanus in libro, cui titulum posuit: Ephemerologium Ecclesiastico-Rubricisticum Par. III. tit. II. pag. 33. ubi etiam firmat, Lectiones primi Nocturni sumendas esse ex Breviario Romano, ubi agit de iis.

Sanctis veteris Testamenti de quibus fit officium, ita enim scribit : „ In Festis „ S. Abraham & S. Jobi (quæ teste Ar- „ naudo Tom. II. Par. I. tit. 19. , & Gav. „ alicubi cum facultate Majorum cele- „ brantur) legi possunt in Officio le- „ ctiones haustæ ex Genesi , & Historia „ Jobi , quæ videlicet habentur in Do- „ minica in Quinquagesima præ S. A- „ braham , & in Dominica I. Septem- „ bris præ S. Job. In 2. autem noct. „ quæ ibidem habentur in 2. Nocturno „ Dominicarum dictarum in eorum com- „ mendationem in 3. Nocturno : Homo „ quidam nobilis : cum Homilia , quæ „ habetur in Festo S. Ludovici Reg. Vel „ in I. Nocturn. Lectio de Scriptur. „ occur. reliqua ut supra. Idem servari „ potest in Festis SS. Isaïæ , Jeremiæ , „ Danielis , Davidis , & similium , ubi „ celebrantur, propriis è Breviario ad- „ hibitis eorum Lectionibus : habes le- „ ctiones præ S. Davide in Dominica „ 6. post Pentec. de Apologia illius ex „ libro S. Ambrosii; Arnaud. loco citato, „ Gav. Tom. 2. sect. 5. cap. 12. num. 22. „ Quum autem usque modo allati scri- „ ptores Gavanti opinionem plurimum „ probent , novissime Benedictus Papa „ XIV. in egregio suo opere : De Servo- „ rum Dei Beatificatione , & Beatorum „ Canonizatione Tom. IV. lib. IV. par. „ II. cap. XXIX. Gavanti superius alla- „ tum textum ex integro refert , ipsum- „ que

que quasi regulam ordinandi Officii ostendens, nihil præterea ex suo addit, quapropter doctissimi in rebus Liturgicis, & ab ipso Pontifice multum probati viri sententiam firmare suo assensu videntur, siquidem eruditissimus Pontifex, si absurdum aliquod in ea opinione reperisset, ipsam libere, & aperte rejecisset, ut multis in locis optime egit, ubi sententias & opiniones virorum, quas sibi minus placere assensu, verissimis validisque rationibus rejicit, & confutat.

Modo huic ordinandi Sanctorum veteris Testamenti officia; quem Gavantus approbat, plura addidit Carolus Guizetius S. I. in libro, cui titulus: Heortologia sive de Festis Locorum & Ecclesiarum anno 1728. Urbini (quæ Civitas est principalis in ditione Ecclesiastica) typis vulgato: Libro enim I. cap. V. quæst. VIII. de Sanctis veteris Testamenti agens Ecclesias enūtiat ipsis Sanctis in Christiano Orbe dicatas, deque ipsis Sanctis iterum differit Lib. II. cap. VII. quæst. 2. & 3. & demum Lib. III. cap. XVI. quæst. 4. de ipsorum ordinando Officio, ita scribit.

„ Quodnam est Commune Sanctorum
 „ veteris Testamenti. Reperit in Cære-
 „ moniali Fontis-Ebraldi MS. anno
 „ 1461. autoritate Guillelmi Parisien-
 „ sis Episcopi delegati à Pio II. ad vi-
 „ sitandum, corrigendum, & reforman-

„ dum dictum Monasterium , & Ordī-
 „ nem Fontis-Ebraldi Officiū sub ti-
 „ tulo Patriarcharum, quod tamen ve-
 „ re est solius Abrahamæ ex Genesis libro
 „ depromptum. Sunt & in Carmelitano
 „ Officia propria Sanctorum Eliæ , &
 „ Elisei Prophetarum , & hæ quidem
 „ duo legitima, sine usu, siue certa &
 „ constanti approbatione. At ubi desunt
 „ huiusmodi, vel quibus non sunt con-
 „ cessa, quo recurrendum? Ad Commu-
 „ ne siue unius Martyris si tulus sit, de
 „ quofit Festum, siue plurimorum, si plu-
 „ res fuerint, ut Machabæi, siue deni-
 „ que Confessoris non Pontificis, salvis
 „ ijs, quæ aliunde in Breviario ipso de-
 „ summi possunt, qualia sunt hæc.

„ Pro S. Abraham Patriarcha: Anti-
 „ phona. Pater fidei nostræ, Lectiones 1.
 „ & 2. Nocturni & Responsoria quinque
 „ priora Dominicæ Quinquagesimæ,
 „ pro sexto vero octavum, & pro septi-
 „ mo & octavo primum & secundum
 „ Feria 2. sequentis. Oratio denique ex
 „ Missali. Deus qui in Abrahamæ.

„ Pro S. Moyse: Lectiones 1. Nocturni
 „ Dominicæ quartæ Quadragesimæ cum
 „ Responsorijs septem prioribus, & Oratio
 „ ex Missali: Deus qui per Sanctum
 „ Moysen &c.

„ Pro S. Davide Antiphona. Præva-
 „ luit David: Lectiones 1. & 2. Noctur-
 „ ni Dominicæ quartæ post Pentecosten
 „ cum hisce Responsoris 2. 3. 4. 6. 7.

„ &

„ & 1. Feriæ 2. Item si lubet Homilia:
 „ in Evangelium Dominicæ XVII. post
 „ Pentecostes ; in quo honorifica Davi-
 „ dis fit mentio .

„ Pro S. Job. Antiphona . Cum au-
 „ disse Job. Lectiones 1. & 2. Nocturni
 „ cum responsoris omnibus Dominicæ 1.
 „ Septembris , & pro octavo primum
 „ Feriæ 2. .

„ Itidem de Sanctis Ezechiele , Da-
 „ niele , & alijs . Quod vero prædicta
 „ omnia in hunc modum aliunde mu-
 „ tuari possint , adstipulatorem habemus
 „ Gavantum sect. V. cap. XII. nu. 22.,
 „ qui licet de Lectionibus tantum lo-
 „ quatur , valet tamen æque pro alijs
 „ ejus responsio , confirmaturque ex di-
 „ ctis supra cap. 3. quæst. 1. , siquidem
 „ sunt illa omnia non tantum approba-
 „ ta , utpote Canonica , sed etiam ab
 „ Ecclesia ipsa sub eadem forina usita-
 „ ta . “

Supra autem cap. 3. quæst. 1. ab eo-
 citatis asserit , & probat in Festis San-
 ctorum Abrahæ , Job , Isajæ , Jeremiæ ,
 Danielis , aliorumque veteris Testamen-
 ti , si quando alicubi ea celebrari con-
 tingat ; legi posse testus illius Scripturæ,
 in quibus eorum gesta recitantur , pro-
 bante id Gavanto locis citatis .

Quum autem optimis rationibus opi-
 nionem suam fulciat Guyetus , ubi de
 Lectionibus etiam primi Nocturni agit ,
 æque etiam bene sententiâ suam de as-

signandis responsoris ex paritate fustinet, neque dicendum contra est, quod responsoria propria tribuantur solum iis Sanctis, qui Antiphonas etiam saltem ad Psalmos Laudum habent pariter proprias, contrarium enim evincitur exemplo sumpto ex ipso Breviario Romano, Sancta enim Maria Magdalena, cui ad Psalmos Laudum nullæ assignantur Antiphonæ propriæ, sed solum ex Commune non Virginum, tamen ad primum nocturnum propria habet Responsoria.

Ne autem vitio quis vertat, quod ad firmandum Gavanti sententiam soli afferuntur auctores ipsam adoptantes, vel etiam dilatantes, afferenda sunt etiam verba doctissimi viri Joannis Michaelis Cavalieri ex Sancti Augustini Ordine, uti leguntur in ejus Commentariis Liturgicis Tom. II. Par. I. cap. XXXI. n. III. ubi differit de Sanctis veteris Testamenti. „ De iisdem in Ecclesiis, quarum sunt Titulares, aut in quibus eorundem asservantur Reliquiæ insignes, statim posse Officium juxta Rubricas, & decreta fieri: absoluta hæc namque, & absque ulla limitatione de Titularibus, & de Reliquiis officium indicunt. At unde depromendum erit officium. Elaborat admodum Gujerus lib. 3. cap. 16. qu. 4. & 5. in assignandis plurimis, quæ ex Breviario deprompta usitari queunt, eique assentitur Gavantus sect. 5. cap. 12. num.

„ 22. , at consultius est recurrere ad
 „ respectivum Commune, negletis ijs ,
 „ quæ aliunde mutuari possent. “ Uni-
 cus itaque de omnibus (quos adhuc
 viderim) scriptoribus ; qui de ordinan-
 do Sanctorum veteris Testamenti officio
 differuerunt , est Cavalierius , qui Ga-
 vanti & Guijetti sententiam non quidem
 improbat , aut rejicit , sed consultius esse
 asserit , recurrere ad respectivum Com-
 mune ; quamvis nullam postea afferat
 hujus cautionis rationem , aut argumen-
 tum. Verum Gavantus in ea , quam sta-
 tuit Sanctorum veteris Fœderis ordina-
 tione Officiorum , sectatores habet eos
 multos , quos supra enuntiavimus pre-
 batissimos rerum Liturgicarum auctores ,
 ipsumque Summum Pontificem Benedi-
 ctum XIV. , qui ut conspicuum est , sen-
 tentiam Gavanti asserens ipsam adopta-
 vit , ipsiusque proinde authoritati tam
 dignitatis , quam doctrinæ ratione pluri-
 mum deferre debemus.

Citatam itaque laudatamque Gavanti,
 & aliorum ei adhærentium opinionem
 jure amplexati sunt nonnulli ex peritis
 Calendariorum concinnatoribus ; in Ca-
 lendario enim ad usum Fratrum Ordinis
 Minorum Conventualium pro Cho-
 ro Magnæ Domus Venetiarum , ubi Fe-
 stum agitur Sancti Danielis Prophetæ
 ratione insignis Reliquiæ ibidem asser-
 vata , sic notatur ad diem XI. Augusti ,
 quæ est dies assignata pro die XXI. Ju-

iii natalitia quidem S. Danielis , sed impedita propter Ottavam S. Bonaventuræ.

„ Danielis Prophetæ Conf. duplex .
 „ Lect. 1. & 2. Nocturni ut in Dom.
 „ minica 3. Novembris . Lect. vero
 „ 3. Noctur. ut in Dom. 24. post Pen-
 „ tec. (quæ Homilia valde congruit
 „ Prophetæ Danieli .) Omnia Resp. de
 „ Comm. Conf. non Pontif.

Ecce quomodo vir eruditus , & diligens non solum ordinat Officium juxta Gavanti, aliorum dispositionem , sed etiam opportune ad casum nostrum notat, assignatam Homiliam valde congruere Prophetæ Danieli .

- Eodem omnino modo ipsius Danielis Prophetæ Officium ordinant Archiepiscopalis Ecclesia Utinensis , atque episcopales pariter Concordiensis & Polensis in Ditione Veneta , nec non Januensis, Gortienfis, & Tergestina, quæ omnes sumunt Nocturnorum Lectiones ex Dom. 3. Novemb. , & ex Dom. 24. post. Pentec. in Missa etiam ponentes Epistolam ex Feria tertia post Dominicam Passionis assumptam, ex eadem prorsus ratione, quia Prophetæ Danieli valde congruit.

- Aliud ejusdem argumenti exemplum offert nobis directorium Archiepiscopalis Ecclesiæ Jaderensis , quæ ad diem XXVII. Augusti officium enuntians Sancti Eliæ Prophetæ illud tali modo ordinat.

„ S. Eliæ Prophetæ Conf. dup. in 1.
 Noct.

„ Noct. de Fer. in 2. Noct. ex Domin.
 „ 9. post. Pentec. in lectionibus , in 3.
 „ Noct. ex 25. currentis. Homo quidam
 „ nobilis . Missa Justus ... Or. Adesto
 „ Epist. 2. Aprilis .

Hoc ipsum pariter legitur in Directo-
 rio Ecclesiæ Episcopalis Sabinicensis . No-
 tandum hoc loco venit , quod quamvis
 Sanctus Elias Propheta integram Officii
 seriem habeat , quod officium Carmeliti-
 cæ Familiæ recitandum concessit Sedis
 Apostolicæ autoritas , attamen Ecclesia
 Jadrensis , quæ hoc privilegio non gau-
 det , officium Sancti Prophetæ sibi dis-
 posuit juxta Gavanti sententiam .

Hæc tamen Officij dispositio , quæ
 composita videtur juxta rigidiorē Ga-
 vanti sententiam , si ad magis propitiā
 Guijeti & aliquorum sententiam dedu-
 cenda esset , poterit hoc modo ordinari :
 S. Eliæ Prophetæ C. dup. In 1. Vesp. ad
 Magnificat Dum tolleretur Dominus , ut in
 Sabb. ante Dominic. IX. post. Pentec.
 In 1. Noct. Lectiones ex Fer. 2. post
 Domin. IX. post. Pentec. in 2. Noct. Ser-
 mo S. Augustini ex Domin. IX. post
 Pent. in 3. Noct. Evang. & Homilia ex
 Festo Transfigurat. Dom. , quod Evan-
 gelium valde congruit Prophetæ Eliæ .

Ex rerum allatarum paritate recte de-
 ducitur , quod Ecclesia Veneta uti qui-
 dem non potest Officio integre proprio
 Sancti Danielis Prophetæ olim die 9.
 Octobris anni 1609. Monialibus Sancti
 Da-

Danielis Venetiarum a Sacra Rituum Congregatione indulto, attamen Officium ipsius Prophetæ, quod a Clero Civitatis sub ritu semiduplici, eo quia est Titularis Ecclesiæ, celebratur, ita disponendum erit, ut nos docuerunt supracitati eruditissimi in re Liturgica Scriptores.

Adhærendo itaque doctrinæ tot viro-
rum illustrium, qui de sacris ritibus lau-
datissime disseruerunt, inter quos emi-
nent Gavantus & Guijetus a Benedi-
cto Papa XIV. in suis operibus sæpe
citati & laudati, & sequentes etiam
exempla superius allata, conveniens est,
ut in directorio Ecclesiæ Venetæ, quæ (ut
supra dictum est) inter omnes Catholici
Orbis civitates majorem habet numerum
Templorum ad honorem Prophetarum
antiquitus erectorum ipsorum Officia hoc
modo ordinentur.

Pro S. Job. ad Magnificat, & Bene-
dictus Antiph. Cum audisset Job. ut in
Sabbato ante Dominicam 1. Septembris
Lectiones in 1. & 2. Nocturno & Res-
ponsorio pariter ex eadem Dominica: in
3. Nocturno Evangelium. Homo quidam
nobilis ut in Festo S. Ludovici Regis
25. Augusti; responsum 7. ex Dom-
1. Septembris, & 8. ex Feria 2. sequenti
Versa est in luctum.

Pro S. Hieremia Lectiones 1. Noctur-
ni ex Dominica Passionis, Lectiones ve-
ro 2. Noct. ex Communi unius Martyris
2. loco Lectiones 3. Noct. scilicet Evang.
& Ho-

& Homilia ex die Octava S. Stephani 2. Januarij, reliqua de Comuni unius Martyris secundo loco.

Pro S. Daniele Lectiones 1. & 2. Nocturni ex Dominica tertia Novembris; Lectiones 3. Noct. ex Domin. 24. post Pent. reliqua de Comm. Conf. non Pont. 1. loco.

Pro S. Samuele Antip. ad Magnificat: Puer Samuel ministrabat ut in Vesp. Sabbati intra Oct. Corporis Christi, Lectiones 1. & 2. Noct. ex Dom. 3. post Pentec. In 3. Noct. Evangelium, Homo quidam nobilis, ut in festo S. Ludovici Regis 25. Augusti Ant. ad Bened. & ad Mag. in 2. Vesp. Cognoverunt a Dan., ut in Vesp. Sabbati post Oct. Corporis Christi. Responsorialia & reliqua de Comm. Conf. non Pont. 2. loco.

Pro S. Moyse In 1. & 2. Noct. Lectiones & Responsorialia ut in Dom. quarta Quadragesimæ. In 3. Noct. Evangelium & Homilia de die Transfigurationis domini septimum Resp. Splendida facta est ut in Dom. 4. Quadrag. Oct. Resp. Si ministratio mortis: quod est 6. resp. in Officio Transfigurar. reliqua de Comm. Conf. non Pontif. secundo loco.

Et hæc quidem pro Sanctis veteris Testamenti ordinanda ex jure videntur, sed cum Venetiis Ecclesiastico Officio celebrentur aliis Sancti sub veteri quidem Testamento defuncti, sed ad novum Testamentum ex peculiaribus circumstan-

stantiis spectantes, scilicet Sanctus Zacharias Pater Sanctissimi Præcursoris, & Sanctus Simeon Justus senex; qui Venetiis Ecclesias habent, eorumque corpora in iisdem requiescunt Ecclesiis; ideo ad eos quoque, & quidem potiori jure spectant omnia ea, quæ usque adhuc de Sanctis veteris Fœderis dicta sunt, ut clare docent supracitati rerum Liturgicarum illustratores. Quum autem ex antiquo Sacræ Rituum Congregationis indulto Moniales Sancti Zachariæ Officio ejusdem Sancti fruantur integre proprio, & novissime Clero Veneto concessum sit Officium proprium Sancti Prophetæ Zachariæ, superest, ut attente considerentur directoria aliquarum Civitatum; (non enim omnia habere licuit) in quibus Festum agitur de Sancto Simeone Justo Senes, qui solus ex Sanctis veteris Testamenti pertinentibus ad novum, & in Urbe Venetiarum Ecclesiam possidentibus Officium proprium non habet, quapropter æquum, & conveniens esse videtur, ut ea quæ sibi convenire agnoscuntur, ex Romano Breviario assumantur.

Directorium Officij Ecclesiæ Jadrensis; quæ bis in anno Festum celebrat Sancti Simeonis Justi Senis, officium ipsius ita disponit die IV. Februarii.

„ S. Simeonis Justi Senis dup. in 1.
 „ Noct. de Feria in 2. & 3. de die Purificationis cum Homilia Ecce homo,
 „ Ref-

„ Respons. 1. & 2. Noct. de 2. & 3. Pu-
 „ rificat. Resp. 6. 7. & 8. de Comm.
 „ Conf. non Pontif. Oratio Adesto.

Die autem VIII. Octobris Festum so-
 lemnius celebrans S. Simeonis Justi sic
 Officium ordinat.

„ S. Simeonis Justi Prophetæ dup. in
 „ 1. Noct. Justus ex Comm. Conf. non
 „ Pont. cætera ut 4. Februarij.

Ecclesiæ quoque Pharentis, Veglensis,
 Sibinicensis, & aliæ Festum celebrantes
 S. Simeonis Justi Lectiones eidem congru-
 entes, assument ex die secunda Februarij
 in qua solemnitas agitur Purificationis.

Doctrinam itaque scriptorum, & e-
 xempla Ecclesiarum tenentes duplici mo-
 do ordinare possumus Sancti Simeonis
 Justi Senis Officium; scilicet, vel; ut
 agit Ecclesia Jadrensis cum Lectionibus
 & Responsorijs tantum, vel etiam latius
 cum antiphonis quoque ad eum perti-
 nentibus, assumptis ex solempni Purifi-
 cationis Officio in hunc modum.

Ad 1. Vesperas Ant. de Laud. Psalmi,
 Capitulum, & Hymnus de Comm. Conf.
 non Pontif. Versic. Responsum accepit:
 & Antiphona ad Magn. Senex pue-
 rum portabat. Oratio Deus qui nos ex
 Comm. Ad Matut. in 1. Noct. Lect.
 Justus si morte, in 2. & tertio Noct. ex die
 Purific. Responsoria quinque priora ex
 secundo & 3. Noct. Purific. 6. 7. & 8.
 de Comm. Conf. non Pontif. Ad Lau-
 des Ant. Psalmorum ut in Festo Purific.

Si-

Simeon justus & timoratus & loco ultimæ Serve bone & fidelis intra in gaudium Domini tui . Antiph. ad Benedictus; Cum inducerent . In 2. Vesp. omnia ut in primis .

Superius itaque ordinata Officia nihil continent ad proprium Sanctorum perti-
nens ex arbitrio confectum , sed cuncta sunt ex Breviario Romano deprompta ; quapropter neque ex arbitrio prodeunt , neque privilegio opus habent , cum ex jure procedant , atque rationibus , doctrinis & exemplis fulciantur .

Objiciet fortasse quispiam: non posse inveteratam psallendi consuetudinem mutari inconsulta Sede Apostolica . Ad hoc respondendum , id quidem verum esse , si agatur de rebus noviter institutis , aut quæ ex aliquo peculiari privilegio dependent , secus autem est in iis consuetudinibus , quæ juri Ecclesiarum , & rebus jam universaliter permissis obstant , semper enim fas est , rem seu consuetudinem aliquam , vel errantem corrigere , vel etiam in melius cum modis permissis mutare , præsertim si res tendat ad augendum Sanctorum cultum , de quo promovendo & augendo semper studuit Catholica Ecclesia . Exemplum pono in aliqua peculiari Ecclesia , quæ solita sit celebrare Officium suæ Dedicationis vel Titularis sine Octava , numquid negari potest Rectori , qui rem animadvertit , ne inveteratam psallendi con-

consuetudinem mutet, & Octavam ex
 jure permissam sui Titularis vel dedi-
 cationis instituat. Similiter si aliqua Ec-
 clesia Episcopalis Patronum in eius prin-
 cipalem Officio duplici minori soleat ce-
 lebrare, quotiescumque errorem agno-
 scat, potest officium ipsius Patroni ad
 ritum altiore duplicis majoris evehere.
 Veritatis hujus exemplum habuimus an-
 no 1763. die 3. Martii in uno decreto
 Venetiarum Sacrae Rituum Congrega-
 tionis, quæ concedendo Sanctæ Marinae
 Virgini Officium proprium pro Domi-
 nio Veneto, quamvis sciret in Veneta
 Civitate Officio solum duplici minori
 coli, ipsam ad altiore duplicis se-
 cundæ classis ritum extulit, non ex pri-
 vilegio concessio, sed ex jure competenti.
 Similiter Illustr. & Reverend. Patriar-
 cha noster Venetiarum, statim ac ex-
 ploratum habuit, quod Sanctus Vene-
 rius Eremita in Martyrologio Romano
 descriptus corpore suo decorat Ecclesiam
 Sanctæ Agnetis Venetiarum; ipsi, ex
 antiqua consuetudine Ecclesiae Patriar-
 chalis, quæ Sanctos habentes corpus in
 aliqua Venetiarum Ecclesia Officio se-
 miduplici colit, locum in Veneto Ca-
 lendario concessit die XIII. Septembris.
 Multa quidem tam in Civitate Veneta,
 quam in aliis exempla possent afferri ad
 ampliorem rei probationem, quæ bre-
 vitatis causa omitti debent.

Quod si quis stans pro opinione ne-
 gativa

gativa urgeat asserens , ipsos jam citatos auctores in statuendis hujusmodi Officiis admodum discrepare , unus enim Lectiones tantum , alius Lectiones , & Responsoria , alius denique Lectiones Responsorialia & quidquid aliud ex Breviario Romano excerpti potest ad cultum Sancti , de quo Festum celebratur , pertinens summi posse decernit ; Id quidem non inficior , verum ad sententiæ , seu opinionis probationem id solum inquirere necesse est , an Sanctis Veteris Testamenti aliquid peculiare ad ipsos spectans ex Breviario Romano liceat assumere . Quum igitur citati scriptores (unico Cavallerio excepto) omnes in unam sententiam conveniant : licere aliquid ex Breviario Romano ad Sanctos veteris Testamenti pertinens accipere , & in ipsorum Officio disponere , nulla difficultas profecto esse potest , quod concessio usu Lectionum , permitti etiam possint Responsorialia , & Antiphonæ , dummodo ad ipsum Sanctum unice pertineant , & in Breviario Romano absque mutatione legantur , sicuti nimirum egregie probat citatus Gujjetus .

Hæc autem omnia quæ hucusque dicta sunt de Lectionibus aliisque , quæ summi possunt ex Breviario in officiis Sanctorum veteris Testamenti , pari modo aptari possunt ad ipsorum Missas , in quibus apponere æquum est Epistolas & Evangelia , quæ ad ipsos stricte pertinent ,